



Broj: 13/01-05-8918/16

Datum: 13.04.2016. godine

SKUPŠTINA KANTONA SARAJEVO

Ovdje

Predmet: Odgovor na zastupničko pitanje zastupnika Dževada Rađe – dostavlja se

Zastupnik Dževad Rađo je, na 13. Radnoj sjednici Skupštine Kantona Sarajevo, održanoj 30.03.2016. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovnikom Skupštine Kantona Sarajevo postavio zastupničko pitanje:

"Kada se očekuje dovršetak zgrade na Šipu za smještaj interno raseljenih lica sa područja Općine Centar ?

Zašto zgrada čija je gradnja u ove svrhe započeta 2011. godine, još nije završena

ODGOVOR

Vezano za pitanje kada se očekuje dovršetak zgrade na Šipu za smještaj interno raseljenih lica sa područja općine Centar, obavještavamo vas o slijedećem:

Za nastavak izgradnje zgrade na lokalitetu Šip, općina Centar, za trajno stambeno zbrinjavanje interno raseljenih porodica sa područja općine Centar, najveći problem je obezbjeđenje finansijske konstrukcije. Kako ovo ministarstvo nema mogućnosti da navedena sredstva obezbijedi u jednoj budžetskoj godini, nastavak realizacije Projekta Ministarstvo planira u dvije faze i to: Prva faza grubi gradevinski radovi, izgradnja još tri etaže i postavljanje krovne konstrukcije sa pokrovom u 2016. godini (pod uslovom ako se obezbjede sredstva za sufinansiranje projekta), a Druga faza, svi ostali gradevinsko zanatski radovi do nivoa useljenja, u 2017.godini.

Imajući u vidu da Ministarstvo za rad, socijalnu politiku, raseljena lica i izbjeglice Kantona Sarajevo u 2016. godini ima na raspolaganju 130.000,00 KM (za dosada izvedene radove ovo ministarstvo je utrošilo 301.000,00 KM), za realizaciju Prve faze potrebno je da se obezbjede dodatna sredstva, nakon čega bi mogli pristupiti aktiviranju gradilišta na lokalitetu Šip, te do kraja godine završiti Prvu fazu. Ministarstvo vodi intezivne aktivnosti na iznalaženju mogućnosti obezbjeđenja potrebnih sredstava za eventualni nastavak izgradnje zgrade, čime bi se, uz već obezbijedena sredstva Ministarstva, stvorili uvjeti za nastavak radova.

U vezi sa pitanjem zašto zgrada čija je gradnja u ove svrhe započeta 2011. godine, još nije završena, ističemo slijedeće :

Prema evidenciji Ministarstva za rad, socijalnu politiku, raseljena lica i izbjeglice Kantona Sarajevo zaključno sa 31.03.2016. godine, na području Kantona Sarajevo sa priznatim statusom raseljenog lica boravi ukupno 1.531 porodica (3.312 lica). Od navedenog broja 1.339 porodica (2.827 lica) su iz drugog entiteta, 46 porodica (97 lica) je iz drugih kantona Federacije BiH, dok je 146 porodica (388 lica) iz Kantona Sarajevo – tzv. interno raseljene porodice.

U odnosu na stanje nakon prve Re-registracije iz 2000-te godine kada su na području Kantona Sarajevo bile registrovane 22.722 porodice (71.349 lica), od čega 16.961 porodica (53.258 lica) iz drugog entiteta, 782 porodice (2.457 lica) iz drugih kantona Federacije BiH, iz Brčko Distrikta BiH 108 porodica (339 lica) i iz Kantona Sarajevo 4.871 porodica (15.295 lica), može se zaključiti da je ostvaren značajan rezultat na smanjenju ukupnog broja raseljenih porodica u Kantonu Sarajevo.

U vezi sa navedenim, posebno ističemo problematiku trajnog stambenog rješenja za preostalih 146 interno raseljenih porodica čije su prijeratne stambene jedinice, koje su se uglavnom nalazile u objektima kolektivnog stanovanja/zgradama starije gradnje ili u tzv. barakama, uništene a njihova obnova je nerentabilna zbog visokih troškova pojedinačne sanacije ili nemoguća zbog izmjene regulacionih planova. Jedino adekvatno rješenje za ove porodice je izgradnja novih zgrada u kojima bi se obezbijedili zamjenski stanovi i na taj način obezbijedilo adekvatno trajno stambeno rješenje.

Na ovaj način u dosadašnjem periodu riješeno je 65 porodica i to na području općine Iličići, naselje Balvangrad u Hrasnici u kojem je izgrađeno i useljeno 6 stambenih lamela sa po 9 stanova (ukupno 54 stana) i na području općine Stari Grad, lokalitet Vasin Han na kojem je izgrađena i useljena zgrada sa 11 stanova. Na bazi takvih iskustava, a u cilju nastavka trajnog stambenog rješavanja određenog broja interno raseljenih porodica sa područja općina Stari Grad i Centar, Ministarstvo je u 2012. godini započelo izgradnju nove dvije zgrade i to jednu sa 11 stanova na području općine Stari Grad, lokalitet Baruthana i drugu sa 24 stana na području općine Centar, lokalitet Šip.

Nakon što su na lokalitetu Baruthana završeni grubi gradevinski radovi i objekat pokriven, a na lokalitetu Šip izgrađeno prizemlje i prvi sprat, daljnji radovi su privremeno obustavljeni. Međutim, kako nema druge alternative za trajno stambeno rješenje interno raseljenih porodica, ovo Ministarstvo je u saradnji sa općinom Stari Grad obezbijedilo da se u 2016. godini radovi na objektu Baruthana nastave i završetak ovog objekta se очekuje do kraja godine, a istim intenzitetom se radi na iznalaženju mogućnosti kako bi se nastavili radovi i na izgradnji zgrade u općini Centar, lokalitet Šip, u okviru koje će se izgraditi 24 stambene jedinice za trajno stambeno rješenje interno raseljenih porodica, od kojih 4 porodice koriste smještaj u kolektivnom centru Hrasnica.

Vezano za 4 interno raseljene porodice sa područja općine Centar, koje trenutno borave u kolektivnom centru u Hrasnici, informišemo Vas da u istom kolektivnom centru boravi još 16 porodica. U toku je implementacija Projekta "Zatvaranje kolektivnih centara i alternativnog smještaja u BiH" u sklopu kojeg će se izvršiti rekonstrukcija objekta kolektivnog centra u Hrasnici i izgraditi novih cca 30 stanova.

Za vrijeme izvođenja radova – rekonstrukcije, sve porodice će napustiti objekat i Ministarstvo za rad, socijalnu politiku, raseljena lica i izbjeglice Kantona Sarajevo će za sve porodice plaćati stanarine.

Nakon okončanja radova, sve porodice se vraćaju u novoizgradene stanove, s napomenom da će 4 interno raseljene porodice sa područja općine Centar privremeno boraviti u tim stanovima sve dok se ne stvore uslovi da usele u svoje stanove u zgradu na lokalitetu Šip, općina Centar i trajno riješe svoje stambeno pitanje.

Pripremio. Edin Duraković, šef Odjeljenja za raseljena lica, povratak i repatrijaciju



Dostavljen:

1. Naslovu
2. Stručna služba Vlade Kantona Sarajevo
3. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

